



## Komentar dana



Piše: **Admir ALJIMI**  
([admir.aljimi@avaz.ba](mailto:admir.aljimi@avaz.ba))

# Podzemlje ne prašta

Prema nepisanim pravilima podzemlja kada god padne velika pošiljka droge neko plati glavom

Prema nepisanim pravilima podzemlja, kada god padne velika pošiljka droge neko plati glavom!? To je lančana reakcija koja se među članovima kriminalnih grupa pokreće po automatizmu, jer se radi o milionima eura za čiji gubitak neko mora odgovarati, obično krvavo.

Nedavna rekordna zapljena tri tone skanka koji su nakon višemjesečnog pripremanja i istrage oduzeli pripadnici **Državne agencije za istrage i zaštitu (SIPA)** zasigurno će izazvati velike turbulencije u duboko uzdrmanom međunarodnom narkoklanu.

Naime, radi se o marihuani uzgajanoj i pripremanoj u Albaniji, koja je došla u BiH, kod diler je tokom upada specijalaca pronađeno i 250.000 eura.

Radi se o dobro uhdanoj ekipi koja je godi-

nama naše ulice punila drogom koja je preko granica putovala u dobro zamaskiranim cisternama.

Prema dosadašnjim iskustvima istražitelja **SIPA-e**, međunarodne narkobande po svaku cijenu moraju ulici pružiti svoj smrtonosni proizvod, jer će, u suprotnom, na njihovo mjesto doći drugi kartel, koji će zaraditi više novca i fizički će ih „počistiti“.

To je začarani krug iz kojeg se rijetko ko živ izvuču.

Klanova je puno, imaju logistiku, novac i oružje, ali i policija dobro uzvraća udarac.

Ne treba misliti da će istražitelji u potpunosti istrijebiti narkomafiju, ali svaki gram smrti koji se skloni s ulice, svaki diler s liscama na rukama i svaka zaplijenjena prljava marka pruža nadu u mirnije društvo.